

مجله دانش

سری ۱۳۳۰

والله يهدي من يشاء الى صراط مستقيم
دینی، علمی، ادبی، سیاسی هفته‌لق بمجوعه اسلامیة در
اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ اشرین اول ۱۳۲۸ جلد ۲ - ۹

افریقا جهادی :

درنده :

مجاهدین محترمه اسلامیة بنغازی قوماندان و متصرفی انور بك طرفندن درنده دن مصر فوق العاده قومیسر لکنه کشیده اولنوب مصر غزته لرنده نشر اولونان تلغرافلرک ترجمه سیدر :

۸ تشرین اول . — ۸ تشرین اولده ایتالیانلر برالای واریره عسکرندن دزت طاہور ایله درنده مسلط اولق اوزره انتخاب ایتدیکن مرکزہ غرب طرفندن و دیگر برالای ایله سید عبداللہک حصارہ سنک بولوندی « الحرابہ » یہ دیگر برجہدن هجوم ایتدیلر . بونک اوزرینہ ارہ مزده بیوک برمصادمہ وقوع بولورق تام اون ایکی ساعت امتداد ایتدی . بومصادمہ یوزباشی رتبہ سندہ برضابط و برنفر نظامیہ شہید و برملازم ایله برنفر نظامیہ دن و مجاہدین عربان دن اون ایکی کشتی مجروح دوشمش و برکوچک ضابط ایله ایکی اونباشی غائب اولمشدر . نتیجہ دہ « الحرابہ » موقعی استیلا ایشلردر .

۹ تشرین اول . — ۹ تشرین اولده مذکور موقعی اشغال ایدن دشمنک عسکری جنوبہ طوغری ایلرلیہ رک خطر رجعتی کسمک ایتدیلر . بوسبیلہ دہ ارہ مزده بیوک برمصادمہ جریان ایش و بوتون کون امشدر ایشدر . بونتیجہ دہ دشمنلر جنوبہ طوغری بش کیلو مترو مسافہ دہ کائن « سفوح » ی دخی اشغال ایلدیلر .

۱۰ تشرین اول . — بوکون دشمن یکی اشغال ایلکاری یرلردن بزه هجوم ایتدیلر . قوتلری اون ایکی طاہور ، اوچ جبل بطاریہ سی ، ایکی طاہور سواری و برطاہور طویچی و دزت طاہور ایتره عسکری ایدی . ارہ مزده جریان ایدن مصادمہ کیجیہ قدر امتداد ایش و نتیجہ دہ دشمن پک فدا برحالہ مغلوب اولورق فوق العاده ضایعات و یردکن صکرہ استیلا ایلکاری و طوپلرینک بولوندی ساحتہ رجعتہ مجبور اولمشلردر . الیزہ دوشن غنائم آرہ سندہ برنجی آلاہ متعلق بر طاقم اوراق ایله بر چوق اسلحہ واردی . پنی آلاینک الی ایکنجی بلوکی افرادندن تری جوانی نامندہ بر نفری اسیر ایتدک . بو مصادمہ دہ بزدن بالکز بش ضابط و ایچلرندہ بر چاوش بولوندی حالہ طوپچیلردن یدی نفر خفیف صورتہ جرح اولومش و ملیسیدن بر نفر شہید اولمشدر . دشمنک آلتی پیادہ طاہوری ایله ایکی بطاریہ سی مرکزہ طوغری ایلرلیہ مک ایستہ مشلرسدہ بوحالی کورونجه ذرہ قدر بر تجاوزدہ بولونمہ دن کری دوغشلردر .

۷ تشرین اولده ایتالیانلر بومبا ساحتہ بر طاہور پیادہ ایندیرمشلر . سدہ کوندردیکمز قوت اورایہ مواصلت ایتزدن اولبیلہ مذکور طاہوری کمیلرہ ارجاع ایشلردر .

عینی کوندہ وایکی کون صوکرہ سوسہ صولرندہ بر قاق قروازور طورمش و ساحتہ بر چوق کوللر آتمش ایسدہ بوکوللر ذرہ قدر بر تأثیر یامامشدر .

مصر :

شیخ عبدالعزیز پارسہ . — حکومت معنیہ طرفندن مصر حکومتہ تسلیمی بر چوق قبل وقالی موجب اولان « الهلال العثماني » صاحب محترمی مشاہیر ادبای عربدن شیخ عبدالعزیز چاوش حضرتلرینک مصر محکمہ سنجه برائتہ حکم ایدیلرک بلا تأخیر خطہ مصریہ دن چیمق شرطی ایله سییللری تخلیه ایدیش وصالی کونی صباحین درسعادتہ واصل اولمشلردر .

مجامع بیت الله الحرام . — « العلم » غزته سنک یازدیغہ نظراً ایکی هفته بوندن اولنہ قدر قنالدن کچمک اوزره ۴ بیک و نفسی مصردن دخی ۳ بیک حجاج کرام سمت حجازہ عازم اولمشلردر .

روسیا :

دوما انتخابانی واسلاملر . — کچن نسخہ مزده روسیا دولتک دوما انتخابانده منافع ملیہ لرینی کوزتمک اوزره چالیشان اسلاملری تضییق ایتدکده اولدیغہ بر نمونہ اولورق محترم متصودوفک اسمک منتخبین لیستہ سندن اخراج ایدلیدیکی یازمشدق ، بوکرہ دخی عینی تضییق نتیجہ سی اولورق انتخابات حقندہ یازمش اولدیغی باش مقالہ سندن طولانی قزانده منتشر « وقت » سر محرر لک دہ حبس ایدلیدیکی روسیا غزته لرندہ اوقومشدر .

ایران :

حکومتک بکی پروگرامی . — ایران حکومتی بالمورال دہ قرارلاشد . یریلہ حق اولان روس وانکلز نوطہ سنک کندینہ یریلہ سنی قارشیلماق مقصدیلہ ایران اصلاحاتہ عائد اولق اوزرہ منتقل بر پروگرام ترتیب ایتشد . طهرانده کی سفیرلری واسطہ سیلہ روس وانکلز دولترینہ تبلیغ اولنان بو پروگرام آتیده کی فصولی حاویدر :

(۱) اسوچ ضابطانی تحت قومانداسندہ تشکیل اولنان ژاندارمه و پولیس واسطہ سیلہ مملکتک اساسی داخلینک تأمین (۲) ایران ایشلرندہ علاقہ دار اولیان کوچک اوروپا دولترلرینک برندن جلب اولنان ضابطان قومانداسی تحتندہ اولورق ۲۸۰،۰۰۰ کیشیلک براردو تشکیلی (۳) — دولتی منایع وارداتک تحت ضمانندہ ، یاقین بر زمانده ایکی میلیون روبلہ ق بر آوانس آلتق شرطیلہ ، ۵۰،۰۰۰،۰۰۰ روبلہ ق بر استقراض عقدی . (۴) — جزر دریاسنی ، بصرہ کورفری ایله وصل ایدہ جک بر شمندوفر امتیازینک بین الملل بر قومانیایہ اعطاسی (۵) — مجلس ملینک کشادی ، ایران اراضینک اجنبی عسا کرندن تطہیری ، صمد خانک آذربایجان ایاتی امورینہ قطع مداخلہ سی و شاهسون اغتشاشاتک ایران حکومتی ایله خاتمہ پذیر اولمہ سی و سائطیلہ حیثیت حکومتک تأمین .

بونلرہ علاوہ ایران حکومتی روس وانکلز حکومتلرندن شاه سابق محمد علی میرزانک تکرار ایرانہ عودت ایدہ میہ جکنک بالخاصہ تأمیننی رجایدیور .

طهرانہ محاصره دہ . — بو هفته تلغرافلر ایراندن غایت موسف بر خبر کتیردیلر . شاه سابقک برادری ، شقاوتلریلہ شهرت بولان سالارالدوله بر چوق هزیمتلردن صکرہ تکرار طهران جوارینہ قدر کلکہ موفق اولمش و (قسطنطینوپل) آژانسک استخباراتنہ نظراً (۸۰۰) (!) سواریلہ طهرانی تحت محاصره یه آلمشدر . طهراندہ اداره عرفیہ اعلان ایدیش و شهرہ حاکم اولان مواقع و استحکاماتہ طوب وضع ایدیش و لوازم مدافعہ یه توسل اولونمشدر .

وثائق تاریخیہ

مختاریت فرمانی

طرابلس و بنغازی مختاریتی حقندہ فرمان عالی صورتیدر :

طرابلس غرب و بنغازی اشراف و اعیان و اهالیسنہ توقیع رفیع هایونم واصل اولیجق معلوم اولہ کہ حکومت بر طرفدن مملکتکزی مدافعہ ایچون محتاج اولدیغکمز معاونت موثرہ یی ایفا ایتک امکانشزلغندہ بولندیکی و دیگر طرفدن سزک سعادت حاضرہ و آتیہ کزی دوشندیکی و کرک سزلر و کرک عائلہ لرکز ایچون داعی مضرات و دولتمز ایچون موجب مخاطره اولان بر حربک دوامنی بر طرف ایتک ایستدیکی جهتلہ مملکتکزدہ صلح و سعادت حالی تقریر و تجدید ایتک امنیہ سنہ و حقوق حکمرانیمزہ ابتناء سزہ مختاریت تامہ بخش و اعطا ایدیورم . مملکتککز قوانین جدیدہ و نظامات مخصوصہ ایله اداره ایدیلہ جک و بونلرک احتیاجات و عاداتکزه موافق اولسی ایچون احضارینہ

۱- كرك بالفعل محارباته اشتراك ايتش ويا سائر برصورتله محاربه دن دولاي برجرم اختيار ايلدمش اولان بوتون طرابلس غرب وبنغازي اهالي سي ايچون كاملاً عفو عمومي اعلان ايدلمشدر .

۲- طرابلس غرب وبنغازي سكه سي اولجه اولديني كبي بعدماده خصوصات مذهبيه سرستي تامه مالك اولاجقردر . جامعلرده خليفه لر ينك اسمي ذكر اولونه جق وذات حضرت پادشاهي طرفندن نصب اولونا جق ذات كنديسنك وكيلى عد ايديله جكدردر .

حقوق اوقاف كا كان محفوظ اولديني كبي مشيخت اسلاميه طرفندن نصب ايديله جك قاضيلرله ، اهالي مسلمه نك معاملاتنه برصورتله مداخله ايديله جكدردر .

۳- ذات حضرت پادشاهي طرفندن نصب اولونا جق مأمور طرابلس غرب وبنغازي ني ايتاليا حاكيته وضع ايدن ۲۵ شباط ۱۹۱۲ تاريخي قانوندن صوكره قطعه مذكوره ده موجود اولان تبعه ومنافع عثمانيه نك ده محافظه وظيفه سني حائر بولونا جكدردر .

۴- نشر ايديله جك ديكر برامرنامه ايله ده ايچنده اعيان واشراف محليه ده بولونه جق وهر ايكي ولايتك امور اداره سنه عائد وعادات واخلاق محليه موافق حريپرورانه نظامات وضع وتأسيسنه مأمور اولاجق قوميسيونك اعضاسي تعيين ايديله جكدردر .

* *

بلغار و صرب سفير لر ينك بسا پور طر لر ينك اعطاسي (شفاهي نوطه)

خارجيه نظارت قلم مخصوص مديري تشرين اولك ۴ نده صباحين بلغارستان و صربستان سفارتلر سنه عزيمت ايتنر و عثمانلي آژانسنك تبليغه كوره ايكي سفيره تبليغات آتیه ده بولنمشدر :

بلغارستان (صربستان) سفارتنه

« بلغارستان (صربستان) حكومتك عموم اردوسني حال سفر بر يه وضع ايتسي وقوتی حدود خاقانیده تحشيد ايلسي و بتون حدود بوينده كي استحكامات ومواقع هر كون هجوملر وقوع بولسي ، حكومت عثمانيه نك امور داخله سنه مداخله اولنسي و بلغارستان (صربستان) حكومتك شايان قبول اولدقدن بشقه عقله صيغماز بر طاقم مطالبات ايلري يه سورمسي حكومت عثمانيه ايله بلغارستان (صربستان) بيننده حكومت عثمانيه نك دائماً محافظه سنه آرزوكش بولنديني صلح ومسالمك دوامني غير قابل بر حاله كيرمشدردر .
بناءً عليه بلغارستان (صربستان) سفيري ايله سفارت اركانك بسا پور طر لر ينك آلمغه وقابل اولديني قدر سرعتله عثمانلي طوپراغني ترك ايلنكه مجبور بولندقلري اخبار اولنور . »

* *

مجموع امری

(حكومت سنيه نك تبليغ رسمي سي)

« دولت عثمانيه نك محافظه وادامه سنه ساعي اولديني مسلك مسالتيپرورانه يه بلغارستان و صربستان حكومتلري طرفندن عمومي سفر برلكه قيام ايله حدود عثمانيه سوق و جمع و بتون حدود بوينده كي قله لر يمه و مواقع ساثره يه كل يوم تعرض اولنسي و حكومت سنيه نك امور داخله سنه مداخله يه و قبوله غير شايان ونامعقول مدعيانه قالفيشلمسي سلطنت سنيه ايله بلغار و صرب حكومتلري بيننده دوام صلحي درجه استتاليه كيتريديكندن بلغارستان و صربستان سفير لر يله معيتلرينك بسا پور طر لر ينك اخذ و ممالك عثمانيه دن تباعده مسارعت ايتلري ضمننده خارجيه نظارت جليله سندن مذكور سفير لر ده دون تبليغات اجرا ايدلمش و كرك بلغار لر ده ، كرك صربستانك بر دوام اولان تعرضات و تجاوزاتنه مستعينا باه آرتق مقابله اولنسي ايچون اردوي هايونه اوامر لازمه وپرلمشدر . »

وصايا و ارشاداتده بولنق صورتيله طرفكردن معاوننده بولنله جكدردر . اعظم رجال دولت عليه مزدن اوقاف هايونمز ناظر اسبق اولوب برنجي رتبه عثمانی و مجیدی نشان ذیشانلريني حائر و حامل اولان افتخار الاعالي و الاعظم مختار الاكبر و الافاخم شمس الدين بك دامت معاليه طرف هايونمز دن نزد كزه نائب السلطان عنوانيله تعيين ايدلمش و مملكتك زده كي منافع عثمانيه نك امر محافظه سي مشاراليه توديع اولنمشدر . مشاراليه توديع ايتديكم وكالتك مدق بيش سنه اولوب بو مدتك ختامنده طرف پادشاهانه مزدن مشاراليه كالتی تجديد ايديله جك ، ياخود خلفي نصب وتعيين قلنه جكدردر . احكام جليله شرع شريفك مستمراً صريقتي اقصابي مقاصد شاهانه مز اولديغندن بومقصدي تأمين ايچون لازم كلان قاضي طرف شاهانه مزدن نصب وتعيين اولونه جق و قاضي مشاراليه دخي ايجاب ايدن نواب شرعيه يي احكام شرعيه يه توفيقاً علمای محليه مياننده تعيين ايديله جكدردر . قاضي مشاراليه معاشي طرفزدن و نائب السلطان ايله ديكر بالجله مأمورين شرعيه نك معاشاتي واردات محليه دن تأديه قلنه جكدردر . تهريراً في اليوم الخامس من شهر ذي القعدة الشريفة لسنة ثلثون و ثلثمائة و الف .

مختاريت قانوني

طرابلس غرب وبنغازي مختاريت اداره سي حقنده قانون صورتيدر :
ماده ۱- طرابلس غرب وبنغازي قطعه لر يه مختاريت تامه وپرلمشدر .
ماده ۲- طرابلس غرب وبنغازي قطعه لر ي قوانين جديده ونظامات مخصوصه ايله اداره ايديله جك وبوقوانين ونظاماتك احتياجات وعادات محليه موافق اولسي ايچون احضارينه وصايا وارشاداتده بولنق صورتيله اهالي محليه طرفندن معاوننده بولنيله جكدردر .

ماده ۳- طرابلس غرب وبنغازي قطعه لر يه طرف پادشاهيدن نائب السلطان عنوانيله رجال دولت عليه عثمانيه دن بر ذات تعيين ومذكور قطعه لر ده كي منافع عثمانيه نك امر محافظه سي كنديسنه توديع اولنه جكدردر .
نائب السلطانك مدت وكالتی بيش سنه در . بومدتك ختامنده طرف شاهانه دن نائب السلطانك وكالتی تجديد ، ياخود خلفي نصب ايديله جكدردر .

ماده ۴- احكام جليله شرع شريفك مستمراً اجراسي ضمننده طرف هايوندن كا كان قاضي نصب اولونه جق وقاضي مشاراليه دخي ايجاب ايدن نواب شرعيه يي احكام شرعيه يه توفيقاً علمای محليه ميانندن تعيين ايديله جكدردر .

ماده ۵- قاضينك معاشي خزينة جليله ماليه دن و نائب السلطانك وقاضيدن ماعدا بالجله مأمورين شرعيه نك معاشاتي واردات محليه دن تأديه اولنه جكدردر .

ماده ۶- بوبابده اهالي محليه يه خطاباً بر فرمان عالي اصدار اولنه جكدردر .
ماده ۷- بوقانونك اجراي احكامنه مشيخت اسلاميه ايله داخله وماليه نظارتلري مأموردر .

بوقانونك مجلس عمومينك اجتماعنده قانوني تصديق ايتديرليك اوزره موقتاً موقع اجرايه وضعي اراده ايدرم
في ۵ ذي القعدة سنة ۱۳۳۰ و في ۳ تشرين اول سنة ۱۳۲۸

محمد رشاد

عربيه ناظري	شوراي دولت رئيسي	شيخ الاسلام	صدر اعظم
ناظم	كامل	جمال الدين	غازي احمد مختار
تجارت و نافع ناظري	خارجيه ناظري	عدليه ناظري	داخله ناظري
مصطفى رشيد	غابريئل	عبدالحليم	دانش
اوقاف ناظري	معارف ناظري	ماليه ناظري	نافعه ناظري و بحريه ناظر و كيلى
محمد فوزي	سعيد	عبدالرحمن	صالح
		تلفراف و پوسته و تلفون ناظري	صبري

* *

ايتاليا امرنامه قراليسي

ايتاليا جريده رسمي سنده نشر اولنمشدر :

طرابلس غرب وبنغازيده تماماً تأسيس سكون مقصديله مواد آتیه امر اولنور :